



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. II. cap. 12. & seqq. de Testimoniis in eâ suspectis

[urn:nbn:de:hbz:466:1-72506](#)

doctrina. Cum enim Ecclesia Latina fuerit & sit constantior in Fide Christi , quām Ebræa seu Hierosolymitana, & plures Græcæ , quæ jam defecerunt à Fide & unitate Ecclesiæ Catholice ; quidni merito etiam secundum Augustinum judicetur fidelior & constantior in editione Latina Scripturæ S. Nequē hic obstat , sed potius favet Augustinus , primò , quia tantum vult editiones Latinas cedere Græcis & Ebræis originalibus, non autem omnibus futuris & jam existentibus post defectum Ecclesiæ Hierosolymitanæ ac Græcæ à Fide & Unitate Ecclesiæ Catholice. Deinde , quia vult tantum ex Græcis & Ebræis corrigi , & ad unitatem atque conformitatem cum Itala reduci infinitas Versiones Latinas ; non autem Italam , quam præfert omnibus, ad aliquam illarum inde reformari. Denique , quia vult tantum etiam editionem Italam in lectione varia , sive ex certo , sive incerto scriptoris errore , & in sensu dubio sententiarum , aut propria verborum significacione , cedere Textui Græco & Ebræo debere correctiori & uniformi , & significationi ac sensu expressiori; cui doctrinæ & usui Exemplarium Græcorum & Ebræorum nihil prorsus derogat aut præjudicat Concilium Tridentinum, illa adprobatione editionis vulgata ad usum communem & irrefragabilem in Ecclesia. Sic Epitomator Anatomicus in gratiam Versionis vulgatae à Patribus Tridentinis canonizata, non sine calumnia in Evangelicos, quā depellent ea, quæ breviter contra tum erunt monenda. Quamvis enim, quod primam attinet defensionis partem de adprobatione versionis vulgatae respectu aliarū, idem dixerit quod ante & post eum alii etiam putarunt esse dicendū, ne temeritatis possent argui Patres conscripti si rivulum fontibus præposuisse; nescio tamen, an emplastrum hoc vulnus tegat , & annon hæc explicatio menti decernentium videatur contraria, si verba, prout jacent, sumuntur & juxta communem sensum intelligantur. Apertius certè animi sensa oportuisset prodere definitores Synodeios , si hoc tantum voluisserint, & non potius eam stabilire Versionem, quam suis opinonibus experti sunt præalii accommodam. Addo, vix posse locum habere illam neutralitatem, quam huic Decreto adsingit Franciscanus, quia, *sine præjudicio sive reprobatione adprobationis originali* T extuum fuerit conditum: cùm vel reprobari, vel adprobari debuerint illo stante, utut circumstantia & causæ ejus ostendant satis superque, magis ad reprobationem inclinas Patres, minus videlicet peritos linguarū, à quibus non paucum suo Cœtui periculum timuerunt, quod constat. In hoc verò, quantum fuerit dilectum ab Antiquitate & doctrina Augustini , ex ante dictis contra Bellarminum sufficienter patet. Dum insuper dubitat Epitomator, an hæc Itala , cuius meminit Augustinus, sit ipsa Versio, quæ dicitur vulgata , comet ipso ostendit , quām in lubrico ventetur. Quod autem jactat Ecclesiæ Romanensis fidem & in ea constantiam majorem præ Ecclesia Iudeorum & Græcorum , etiū non deesset, quod hanc inanem jactantiam variis possit modis refellere, si id jam ageretur; si hoc tamen non obstante, Iudeos Codicis Ebræi fidos fuisse custodes , ea docent testimonia , quæ suprà sunt ex Augustino adducta, ubi hæc Controversia fuit ventilata. Idem de Græci statuendum est. An post Augustini tempora aliquam passi sint Textus originales jacturam , eorum est probare , qui in turbido pilicari desiderant. Et si Augustinus suo tempore Versionem Italam prætulit ceteris, non sequitur, idem hodiè de Vulgata dicendum esse , cui dum Anatomicus ex mente Patrum Tridentinorum adscribit usum irrefragabilem , petit principium , cuius demonstrationem per nulla omnino media poterit perducere ad finem.

CAPUT DUODECIMUM , DECIMUM TERTIUM ET QUARTUM.

De

Testimonis Vulgata suspectis.

PLurima in his capitibus suo ordine collegit loca Bellarminus, ob quæ Vulgata Versio tanquam corrupta fuit accusata , quibus vindicandis àque omni errore purgandis omnem adhibuit pro viribus industriam. Omnia examinare nostri jam non est instituti, sed ea tantum, in quorum tractatione Augustini intercedit authoritas. Initium fiat à primo & classico , multumque haec tenus vexato Genesios loco de Semine Mulieris caput Serpentinum contrituro , quod Subjectum per pronomen *Ipsa* ubi vel *ipse* vel *Ipsum* legi debuit , in Vulgata Versione exprimitur , idque de eo , vel potius ea prædicatur , quod nulla omnino prædicari potest ratione. Hanc vero Lectionem Bellarminus ideo suscepit inter alia defendantem , quia post & præter

C

alios

altos Ecclesiae Doctores Augustinus quoque eam retinuit. Responsi loco non sine causa repeto, quod Morinum suprà contra authoritatem Augustini pro Ebræi Textus integritate militantis excipientem vidimus, nimur ei non fuisse Ebraica lingua & rerum Iudaicarum cognitionem, quæ exceptio hic iterum magis, quam ibi valet, cum de hâc Controversiâ non, nisi ex sacratiori Literatura agi possit & de jure debeat, & præcuntem insuper Bellarmithum infra habituri simus, qui dum aliter ad Augustini de Petri Fidei sententiam respondere non posset, quod objectioni satisfaceret, hac demum rima

Lib. 1. de evadere se posse putavit, scribens, Augustinum ex sola lingua Ebraea ignoranta esse dece-
Rom. Pon pium. Ethinc Criticæ Sacrae Scriptor, Capellus, non semper ita Sacer, ut voluit videri,
tif. c. 10.

Lib. V. c. monuit: Non est, quod se tueantur, Vulgatae nimurum Versionis defensores,
21. p. 370. auctoritate Augustini & aliorum quorundam Patrum. Nam vetus Latina Translatio, quâ
& Augustinus & veteres illi Patres sunt usi, non est Translatio Hieronymi ex Ebreo, sed
alii antiquior ex Graeco LXX, interpretum facta. Seru enim caput usurpari Translatio Hiero-
nymi ab expositoribus Ecclesiastis & Commentatoribus Veteris Testamenti. Deinde, facile
est, videre, lectionem illam (Ipsa) licet antiquam esse ex librarii inscritâ depravatum; qui cum
videret, pronomen (Ipse) genere non convenire cum antecedente nomine, (Semen) putavit
legendum esse (Ipse) illudque referri ad nomen Mulieris, itaque commutavit pronomen ma-
sculinum in femininum, quam Lectionis depravationem non animadverentes illi Patres
& inter eos Augustinus, locum illum, quam potuerunt, commode de Eva, vel de B. Virgine in-
terpretati sunt. Notari hic omnino etiam meretur, quod Hottingerus in de Heptaplis

Anal. Hi-
stor. theol.
Dissert. I.
pag. 131.
Parisienibus quam accuratissime observavit, in opere illo plus quam regio Translationes
cateras sex, videlicet Samaritanam, Samaritano-Chaldaam, Chaldaam, Syriacam, Arabicam,
Graciam, magno omnes loco habendas, masculinum habere, solum è contrario Vulgatam, quam
Augustinus & ceteri Patres Latini sine prævio examine sunt secuti, contra earum omni-
um consensum obtrudere femininum. Ut ex auctoritate Patrum Græcorum porto contra
sententiam Augustini & aliorum Patrum Latinorum agam, opus esse non videtur, cum
Bellarmius illorum consensum nobis ultrò largiatur, horum contentus numero, nisi
quod Chrysostomum immisceat, quasi eadem cum latinis Patribus facientem, de quo ta-
men inter alios cordatores Pamelius, ad secundum Cypriani adversus Judæos Librum,

c. 9. n. 51. ubi idem Oraculum in masculino genere citatur, monuit, Græcum illius contextum ista et-
iam legere, hâc tamen cum additione, priorem ejus interpretem Latinum legisse femininum,
quod idem Josepho quoque, rerum Judaicarum Scriptori Græco, & in ipso Textu,
& in Versione Latina accidisse, post alios in ad priora Josephi capita exercitationibus
notatu dignum existimavit Bæclerus, Scriptor in Sacra etiam literatura non inexcercita-
tus. E numero, quos inter Papæos dixi hoc in puncto cordatores & Ebraicæ Veritati
præ aliis pluribus addictos eminet Andradus, rigorissimus Fidei Tridentinæ contra
Chemnitium Defensor, cuius contra Vulgatam Lectionem editionis Latinæ hæc addu-
cit Muisius, suprà non semel auditus: Quamvis Virgini Deipara multi piæ & religiosè

Ebr. verit. accommodent, tamen, cum in vetustissimis quibusdam Latinis Exemplaribus reperiatur (Ipse)
Oper. & cum Ebræis id Voluminibus confireat, ita esse legendum non dubito, cui auctoritas Hierony-
mi favet. Addit, proferre Andradium Leonis Magni è Patrum Latinorum numero testi-
p. 244. Homil II, monium, cuius, ut potè Pontificis Romani verba hic etiam omnino legi debent: Deus
in Solem. Omnipotens & Clemens, cuius natura Bonitas, cuius voluntas potentia, cuius opus misericordia
Nativ. est, statim ut nos Diabolica malignitas sua mortificavit invidia veneno, predestinata renova-
mox ab lans mortaliibus sua pietatis Remedia inter ipsa Mundi primordia praesignavit, denun-
tians Serpentis futurum semen Mulieris, quod noxi capitis elationem suâ virtute contereret,
Christum scilicet in carne venturum hominemque signans, qui natus ex virginе violatorem
humanæ propaginis incorrupta Nativitate damnaret. Et quia Pamelius loco ante citato

Lib. III. è Patribus Græcis Ireneum faslus est esse nostrum, id quod etiam clara verba testan-
adv. hez. tur, non præter rem hic adjunguntur, quæ Fevardentius ad illum locum in rem prælente
tel. c. 28. utiliter valde notavit: Dissertur de Christo, Semine mulieris promissio, ut serpens caput, id est,
Mortem, Antichristum, Diabolum, Peccatum, Infernum, homine salvum superaret; atq. ita il-
lum Genesios locum intelligendum ac explicandum esse, docent quæ sequuntur alia Gene-
ses loca, & Paulus indicat. Adeo quoque manifestum est, illius promissi sacri Semi-
nis nomine Christum esse significatum, nomine autem serpentis Diabolum, ex Isaiae, Iohannis,
Pauli, Petri & Sanctorum Patrum unanimi consensu. Quod ultimum ideo magis nota-
bile

Bile est, ut obvietur calumnia Bellarmini, qui, dum Chemnitium scribere moneret, de Semine, id est, Christo loqui in hoc Oraculo scripturam, ut omnes Veteres docent, vel, ut ipsa Chemnitii verba habent, Textum Ebraicum, Chaldaicum, Graciam, & totam Antiquitatem legere & interpretari de ipso semine, mendacium ei imputet, Fewardentio quoque impingendum, utpote eadem cum Chemnitio scribenti.

Alter locus sequitur, quem Bellarminus Augustini testimonio tanquam in Vulgata benè valentem vindicare studuit, numero & ordine ibidem observato quatuor, non minus, quam de quo proximè est actum, vexatus, de ob vel prolatione Sacrificiali Melchis-deciana, qui verò, dum infra circa Examen Sacrificii, ut audit, Missarici recurret, suo in loco utpote debito uberior tractabitur. Jam plus ultra eundem est, Bellarmino nos ad Davidem, Regium Prophetam & Psalmem, ducente, inque Versionis Vulgaris Vindictis, circa Psalmi sexagesimi & septimi, vel juxta Ebraicam Veritatem octavi sensum, in uno & altero Versu ad Augustini autoritatem provocante. Versus tertii & decimi initium juxta Vulgatam ita habet: *Rex Virtutum dilecti, dilecti.* Hanc Versionem non Calvinus solum taxavit, sed Evangelici Doctores etiam, nominatum D. Hunnius noster, in Examine primæ hujus Controversiæ Anti Bellarminianaæ, ad Hieronymi Versionem ex Ebræo fonte desumptam, adeoque commodiorem provocans. Hâctamen non obstante, & quia semel fuit decreatum, Vulgatam defendere Versionem, etsi multis in locis incongruum, Bellarminus non hic tantum, sed & in explicatione Psalterii ex professo hanc adstruit lectionem, inter alia etiam, ut dixi, auctoritate Augustini mutatus, Lectionem hanc & Versionem adprobant. Ut, quid hâc de re statuendum sit, etsi de nullō Fidei articulo agatur, breviter ob oculos ponatur, in genere illud notari potest, quod dudum jam D. Balduinus noster monuit, *non deesse, qui dubitent, an liber ille enarrationem in Psalmos sit Augustini, quia non moris ipsius fuerit, tales edere Glossas,* nec mentionem istorum fecerit Possidius vel Possidonius, utut contrarium Bellarminus in de Scriptoribus Ecclesiasticis testetur, quo usus micro-vel potius macroscopio, ipse viderit. Et ne Evangelici Doctoris testimonium videatur suspectum, audiatur, quid Sixtus Senensis de his enarrationibus censuerit, ita scribens: *Hos tractatus pii & benevoli auditores ex ore ejus collectos in integrum & ordinatum, quale nunc habemus, digesse.* *Bibl. S. Lib. IV. pag. 257.*

Genus Expositionis ubique allegoricum & morale est, literalis intelligentia parum attingens. Hieronymus in Epistolis ad Augustinum taxare videtur hos Commentarios, tanquam nimis obscuros, & in non-nullis etiam à recta linea, & à sua Gracorumque omnium Tractatorum mente discrepantes. *Suspicio Hieronymum desiderasse in his enarrationibus explicationem Psalmorum juxta Ebraicæ Veritatis puritatem & Gracorum expositorum sententiam.* Sed cum Augustinus Ebraici Sermonis effigianus, & in Gracis Literis non sic instructus, ut Graeca Commentaria manu liberâ posset evolvere, necesse fuit, illum saepè ex inopia literalis intelligentiæ à vero ac proprio literæ sensu ad extortas deflectere Allegorias. His ita in genere præsuppositis, qua non parum juvare possunt, facile patet, quid in specie ad præsentis loci sensum contra Bellarmini ad Augustini autoritatem provocantis pro Vulgaris editionis versione Vindicias responderi possit & debeat. Nimirum, dum Bellarminus putat, *Interpretem Latinum non posse accusari, ideo quod fidelissime verterit id, quod in Graco reperit; non enim ex Ebræo, sed Graco traductos esse Psalmos,* non ita bene rem suam defensisse censendus est. Hanc enim ob causam agè ferunt Evangelici Canonisationem Versionis Vulgaris, non ex ipso Fonte, sed rivoiu derivata, & hinc eo imputioris; quo longius à fonte recedit, id quod è præsenti Textu etiam constat. Inde cordatores ex ipsis Papæ S. Scripturaræ & in specie Psalterii Interpretes, nominatum Cajetanus, Genebrardus, Engubinus, Mariana, Iansenius, Maldonatus, & qui supra pro Ebraic Textus integritate verba fecit, Musius, & inter Papistantes Grotius, non attenta Augustini & aliorum interpretum Latinorum auctoritate ad Ebraic Textus sensum contra Vulgatum libere & audacter provocarunt, quorum verba, & Vulgati interpretis correctiones prolixius huc exscribere non vacat, quia commodius in eorum Commentariis & observationibus leguntur. Eadem ratio est alias loci ex eodem Psalmo desumpti, quem Bellarminus itidem juxta Latinam Versionem ex auctoritate Augustini defendere satagit, ubi quæ in Ebræo Textu de reductione ex profundo mari habentur, in Latina Versione ad conversionem in profundum mari sine omni sensu referuntur, contradicentibus iterum plerisque interpretibus ad Ebraic Textus intellectum attentis. Incidenter id tantum notati potest, Bellarminum male ad Kimchi's testimonium provocare, quasi recte ex Ebræo possit verti, in profundum, cum

si nuperam ejus Commentariorum in Psalmos Versionem Parisiis editam , aut quæ ex iisdem *Johannes Vinars*, Anglus, ante nonita plures annos suis Decapli inseruit , Bellarmino legere datum fuisset, nullum sit dubium , quin hujus testimonii citatione supercedisset. Tertius nunc supereft ex Psalterio locus , quem Bellarminus ad authoritatem Interpretis Latini tuendam Augustini etiam consensu munit , deluntus è Psalmo post centesimum trigesimo & primo, vel juxta Ebraeos secundo, in cuius Versiculo quinto & decimo dum Ebraeus Textus habet , *Victum ejus benedicendo benedicam* , Latinus autem pro *Victum legit Viduam*, nemo non vider, multum discrepare ad fonte rivulum, & nihil tamen minus à Bellarmino defensum , quamvis miserrimè & non sine existimationis detimento. Quidenim quælo est, dicere , *Si ullus (non, nullus) error hic est, effe in Greco*; quam fateti , si sit error, errare Latinum cum Interpretè Græco? Et quam absurdè præterea statuit Bellarminus , sensum utriusque , & Ebraei nimurum Textūs & Latinī Interpretis, id est, sive *Victum*, sive *Viduam* legatur, esse eundem ferè! Ingenuè iterum *Muisius*: *Error in Latino nasci potuit inde, dum aliquis inconsultè Veritate Ebraicā, nec inspecto Codice Greco, quod statim sequerentur pauperes, putavit Victum esse mendam, ideoque nihil hastans Viduam reposuit.* Seductus igitur fuerit Augustinus cum quibusdam aliis Doctribus Latinis , qui ex Idiomatis facti ignorantia ad fontem recurrere non potuerunt , nullo tamen modo id in Veritatis præjudicium infervire debet , ne rivulos injectis ab hoc & illo lapillis turbidos purgare liceat , àque impuritatibus hic & ibi contractis liberare. Nullum certè est & esse potest vel debet dubium, quin ipse Augustinus , si hodie nūm vivet, ubi fontes sacri plurima ex parte , per Deigratiām , ad integratēm pristinām sunt redacti, satis purè fluentes, grato agnoscet animo, si sedūctum se meliora doctus videret.

Ad aliqua Novi jam Fœderis loca ut veniamus , quæ ex Interpretate Vulgato Bellarminus Augustini autoritate defendere se posse putat , occurrit locus ex capite *Johannis* decimo & quarto, ubi Christus suis Apostolis promisit , *Spiritus S. suggesteret vobis omnia, quæcumque dixerim vobis*, juxta Versionem Latinam ; quam Chemnitius noster ideo dixit esse depravatum, quia pro tempore præsenti futurum posuit; ad probandum, quæcumque in Conciliis definiuntur , pro *Spiritus S. Oraculis accipienda esse*, quod tamen Bellarminus negare videtur, prætendens , *Catholicos*, id est, Romano-Papæos, in hoc verbo fundamentum autoritatis Conciliorum non ponere , de cætero , *Augustinum & alios Veteres sic legere, ut hodiernum in Vulgata legitur, & sensum esse eundem cum Greco*, quem negare non potuit de præsenti tempore intelligendum esse. Contradicit nimis sibi ipsi, vel potius scribit Bellarminus. Quatuor verè enim de ipso Verborum sensu agnoscat, intelligenda esse ea non de futuro tempore, sed præsenti, quorum etiam Augustini respicit Explicatio, suo legendaloco ; tam fallè ab eodem & è contrario adseritur , sensum Interpretis Latini eundem esse cum sensu Textūs Græci , quod nihil aliud est, quam si Bellarminus scripisset , futurum tempus esse idem cum præsenti , quod quam absurdum sit, ipse forsitan agnoscisset, si quæcumque illebit Charræ, promititudine tæpius infelicissima , accusationi mentis trutina ponderasset prius, id quod in hac Polemographia universaliter fieri omnino debebat. Quod porro se cum suis Symmachis fundamentum authoritatis Conciliorum in hoc verbo ponere iustificas ire est ausus , nimis se immemorem ante dictorum vel scriptorum postea ostendit, dum inter alia ad Conciliorum generalium & à Pontifice Romano tanquam Ecclesiæ summo Capite adprobatorum autoritatem, & infallibilitatem demonstrandam præsidia ex S. Scripturis desumpta, non quidem hoc expressè testimonium, sed omnino eidem simile & parallelum adduxit, ex sexto videlicet & decimo Johannis capite, quo sensu planè eodem Christus itidem Discipulis promisit, *Spiritus Veritatis docebit vos omnem Veritatem*, quod idem est cum promissione antecedanea; *Spiritus S. suggesteret vobis omnia, quæcumque (non dixerim, sed jam) dixi vobis*. Posthunc citatur alius N. T. locus, ex Versione Latina Augustini autoritate defendendus, ex initio Epistola ad Romanos desumptus, ubi in Vulgata editione Christus dicitur esse *prædestinatus Dei filius*, quam iterum non Calvinus solum, sed & Evangelici Doctores ob sensum Icopo Apostoli planè contrarium non immiterò reprehendunt, Bellarminus vero, Interpretem hunc optimè Verba Pauli reddisse, defendit, præter alios Doctores Latinos, Augustini etiam consensu nixus. Addunt alii quosdā Patres Græcos, quoru testimonia hic excutere est præter Institutio ratione & alius loci. Nunc idvidendum, an hæc Translatio ex autoritate Augustini à Bellarmino tanquam optima rectè defendatur? Contrarium huic si ex autoritate domesticâ

Lib. II.
de Conc.
cap. 2.

vid. Doct.
Dorfel.
Pentad.
Disp. 13.
num. 9.

de-

demonstrabitur , ad rem ipsam nihil ulro desiderari poterit. *Estea Gulielmi Eßhii*
Professoris antehac Duaceni , Commentatoris notissimi & apud suos astimatisissimi,
qui postquam ostendit , quo sensu Christus dici possit prædestinatus Dei Filius , & plerique
Commentatores Latini hæc Pauli Verba interpretati fuerint , Augustinum quoque
eis adiungens , ita porrò scriptis : Sumitur interdum vox Græca pro eo , quod est de-
claratum seu confirmatum. Ita accepit hoc loco Syrus Interpres , dum veritatem agnitum. Eadem
significatione acceperunt Chrysostomus & ceteri post eum Graci Tractatores , qui quidem
Verba Apostoli ad hunc modum exponunt : Idem ille , qui factus est ex semine David secun-
dum carnem , quem proinde constat verum hominem fuisse , etiam declaratus est & certissimus
argumentis comprobatus esse Dei Filius. Hec , ubi eam argumentis ab Apostolo recensi-
tis illustravit , inquit Elthius , hac Græcorum expositio satis expedita & facilis est , & probè
quadrat Instituto Pauli. Deinde veram ac Germanam esse id arguit , quod & alibi Paulus
eadem hec argumenta proferat , quibus declarata sit & confirmata Fidei veritas. Porro ,
Latinorum Interpretatio , præter eam difficultatem , quam parit hic Sermo , Christum esse Fi-
lium Dei prædestinatum (quod certè in scripturis alibi non legitur ;) etiam in explicanda
Syntaxi & sensu verborum sequentium , In Virtute , secundum Spiritum sanctificationis ,
ex resurrectione mortuorum , multum laborat , nec tamen Lectoris animo satis facit. Ad-
dit plura ad hujus sensus uberiorem ex ipso Textu & locis parallelis enucleationem ,
qua ibi quam hic commodius leguntur. Patet ex his sufficienter , Eßhium contra
Bellarminum , quin & Augustinum ceterosque Patres Latinos , Vulgatae Versioni inha-
rentes , esse nostrum , & non solum ad Patres Græcos , Idiomatis Apostolici magis gna-
ros , adeoque magis astimandos provocare , sed etiam ad Testes domesticos , Lauren-
tium Vallam , Fabram Stapulensem , Cajetanum , ut & Erasmum , omnes Græciam pro eru-
ditionis Matre agnoscentes , quibus ex prioris seculi scriptoribus & Apostolicis Com-
mentatoribus adjungo Guiliandum , laudatissimum Sixto Senensi & Possevino Collato-
rem , ex novissimis verò & omnium Recentissimis Fromondum , non ita dudum in
Cathedral Lovaniensi Antecessorem , pluribus aliis consentientibus jam non attentis ,
cum horum testimonio satis tuti esse possint Evangelici contra quorumvis aliorum ad
Latinam editionem , & eidem patrocinantem Patrum Latinorum , nominatim Au-
gustini , autoritatem provocantium insolentiam & temeritatem. Neque multum
dissimili Apologia nos munire possumus contra objectam Augustini autoritatem ,
quod testimonium ex undecimo capite ejusdem ad Romanos Epistolæ defunctum ,
in quo de oppositione operum & Gratia agitur , altera parte argumentationis Aposto-
licæ per Interpretem Latinum omisa , cuius vel causa Chemnitus eundem ex debito
accusavit , conquestusque est graviter non immerito , quod eam pro authentica Ver-
sione venditare & commendare ausi fuerint Patres Tridentini , in quâ præter alia
plura tam insignis pars Oraculi tam classici desideretur. Respondeat Bellarminus ,
esse quidem in Græcis Codicibus illam sententiam , id est , legi in fontibus , undè purior , quam
è rivulis aqua hauritur ; & à Theophylacto explicari , cui Oecumenium & Theodore-
tum , qui Textus fontani melius , quam Latini Commentatores erant , peritos addere po-
ruisset & omnino debuisse ; à nullis tamen aliis agnocti , nominatim non ab Origene , non
à Chrysostomo , non ab Ambroſio , nec ab ullis aliis hujus loci Explanatoribus , quin nec ipso
etiam Augustino , frequentissime quamvis hunc locum tractante. Ut de ceteris non dicam ,
utpote ad hoc Examen non pertinentibus , Augustinus ideo hanc Oraculi Apostolici
partem non explicasse censendus est , quia suo jam tempore Versio Latina , qua usus est ,
eam non habuit ; qui si Græcos tanquam bonæ fidei possessores in hoc & aliis consului-
isset , ad ipsos nimirum fontes respiciens , nullum est dubium , quin argumentationis
Paulinæ cohærentiam ultrò agnitus fuisse. De Origenis & Ambroſii in Paulum Com-
mentariis hodie extantibus non ignotum est , quid Criticorum eruditiores utriusque
partis censeant. Et quia Chrysostomi operum editio , qua in præfens fruor , nihil ejus
Commentariorum in Epistolam ad Romanos exhibet , nihil de eo nunc quidem
pronuntio.

CAPUT DECIMUM QUINTUM ET SEXTUM.

De

Editionibus Bibliorum Vulgatis.

Non pauca ex Augustino loca ad hujus Controversiæ tractationem collegit Bellar-

minus pro more , quæ tamen si rite inspiciantur , parū valde aut plane nihil conferre

C 3

fit